

Մ. ՔԵՄԱԼԻ ՄԻ ՀԱՐՑԱԶՐՈՒՅՑԻ ԱՌԻԹՈՎ

Ամերիկյան «Los Angeles Examiner» օրաթերթը 1926 թ. օգոստոսի 1-ի համարում «Քեմալը խոստանում է ավելի շատ կախաղան հանել իր քաղաքական հակառակորդներին Թուրքիայում» խորագրի տակ զետեղել էր Թուրքական հանրապետության նախագահ Մուստաֆա Քեմալ-փաշայի (Աթաթյուրք) հարցազրույցը շվեյցարական լրագրող էմիլ Հիլդերրոտնի հետ։

Հիշյալ հարցազրույցում, որը տեղի էր ունեցել Անկարայում նույն թվականի հունիսի 22-ին, Մ. Քեմալը անդրադառնալով իր ղեմ կատարած մահափորձին, ասել էր հետևյալը. «Երբ մենք հաղթեցինք մեր արտաքին թշնամիներին, կամ աչք թշնամիներին, որոնք որոշակիորեն համակրանք էին տածում օտարերկրյա ինտրիգաների հանդեպ, մեր ազգաբնակչության գրեթե բոլոր դասակարգերն ու խավերը խանդավառությամբ և նուրբ սկզբնականությամբ համախմբվեցին՝ փրկելու համար ազգը օտարերկրյա լծերից։ Բայց հազիվ էր ազգը իր ուժ լինելը ապացուցել օտարերկրյա զրպարտիչներին, երբ որոշակի տարրեր, որոնք սնվել էին քաղաքական ինտրիգների հին դպրոցից, սկսեցին ցույց տալ իրենց մագիլները։ Մենք կանգնած էինք հանրապետության կյանքին սպառնացող երկու տարրերի ղեմ-հանդիման։ Մեկը դա այն խումբն էր, որը կրոնական մոլեռանդությունն ու տգիտությունը զուգակցում էր քաղաքական անմտության հետ, և որն անցյալում, տարբեր սուլթանների իշխանության ներքո, փորձում էր հավատացնել, թե պետությունը մի օրգանիզմ է, որը կարելի է շահագործել անառակության ու անսթուգ կաշառակերության միջոցով՝ իրենց անձնական նպատակների համար։

Ես վերջ գրեցի կառավարման այդ շարագուշակ ու դատապարտելի տեսությանը՝ վերացնելով նախնիքն ու Սուլթանին։ Ես աքսորեցի այն անձանց, ովքեր մարմնավորում էին այդ տեսությունը...»

«Երկրորդ տարրը, — շարունակում է Մ. Քեմալը, — որի ղեմն էս անխնայ պայքարն է մղում, դա մարդկանց այն խումբն է, որը նախահանրապետական շրջանում աշխարհին հայտնի էր Երիտասարդ Թուրքերի միության կոմիտե անվան տակ։ Այդ տարրերի շարքերը հավաքագրված էին քաղաքական բախտախնդիրների կասկածելի նրմույններից, կիսազրագետ առաջադիմականներից և սանձարձակ սովորույթների տեր մարդկանցից։ Այն օրերին, երբ մենք պայքարում էինք մեր հակառակորդների ղեմ՝ ներսից մինչև դուրս, այս տարրերը մեզ միացան և կովեցին մեր շարքերում։ Չնայած դրան, ես առաջին իսկ օրից հավատ չունեի նրանց մղումների հանդեպ։ Սակայն

ես ցանկանում, հույս էի տածում և աղոթում, որ երբ մեր երկիրը աղատվի օտար լծից, այս տարրը ուղղի իր մեթոդները՝ ներշնչվելով հայրենասիրական զգացումներով։ Շուտով ես համոզվեցի, սակայն, որ իմ հույսերը դատապարտված էին հիասթափության, և որ իմ մաղթանքները մնացին անպատասխան։ Ես համբերությամբ սպասում էի, աչքս չհեռացնելով նրանց գործունեությունից»։

Այնուհետև Քեմալը ասում է, որ երբ այդ ուժերը ձևավորվեցին որպես քաղաքական ընդդիմադիր կողմ, ինքը, «չհավանելով լինել դիկտատոր», հակված էր հանդուրժելու նրանց, բայց երբ նրանք քաղաքական ընդդիմադրության քղի տակ սկսեցին խռովություններ կադմակերպել, «կառավարման մեքենայի ղեկի մոտ կանգնած անձանց սրբազան պարտականությունը դարձավ ճնշել նրանց և ճնշել օրինակելի դաժանությամբ...»։

Անդրադառնալով այնուհետև իր հակառակորդների անցյալի գործունեությանը, Մ. Քեմալը իր հարցազրույցում մատնանշում է. «Նախկին Երիտթուրքական կուսակցության այդ մեծագույնները, կուսակցություն, որը պետք է պատասխան տա մեր միլիոնավոր բիւստոնյա հպատակների կյանքի համար, որոնք անգործեց ժողովրդի գանգավածաբար իրենց բնակավայրերից և ոչնչացվեցին՝ այդ մեծագույնները շարունակում էին համարել հանրապետական կառավարման օրոք (ընդգծումը իմն է—Ռ. Ս.)։ Նրանք մինչև օրս էլ շարունակում էին ապրել կոդուպուտի, թախանի ու կաշառակերության միջոցով, թշնամաբար վերաբերվելով օգտակար աշխատանքի մեջ ներգրավվելու և իրենց ապրուստը արդար քրտինքով վաստակելու ամեն մի գաղափարի։

Ընդդիմադիր կուսակցության քղի տակ, այս տարրը, որը ժողովրդի կամքին հակառակ երկիրը ներքաշեց Մեծ պատերազմի (առաջին համաշխարհային պատերազմի—Ռ. Ս.) մեջ և պատճառ դարձավ, որ Թուրք երիտասարդության արյան գետեր հոսեն՝ էնվեր փաշայի հանցավոր փառասիրությանը հազուրդ տալու համար, այդ տարրը փոքրագի ևղանակով փորձեց կատարել իմ, ինչպես և իմ կառավարության անդամներ հայանքի ղեմ»։

Որպես օրինակ Մ. Քեմալն իր հարցազրույցում մատնանշում էր 1926 թ. հունիսի կեսերին իգմիրում իր ղեմ ձեռնարկված մահափորձը, որը ձախողվեց, իսկ այդ մահափորձին ուղղակի կամ անուղղակի մասնակցած նախկին երիտթուրքական գործիչները դատապարտվեցին մահվան կախաղանի միջոցով։ Դրանց շարքում էր իթթի-հատական կուսակցության գաղափարախոս դուկ-

տոր Նազրմը, որը Կ. Պոլսի ռազմական ատյանի կողմից 1919 թ. հուլիսի 6-ին կայացված դատավճռով, ի թիվս երիտթուրքական մյուս հանցագործների, հեռակա կարգով դատապարտվել էր մահվան: Եվ եթե ժողովրդական վրիժառունները ի կատար ածեցին արդար դատավճիռը Թալաթի, Ջեմալի, Սաիդ Հալիմ-փաշայի, Բեհեզդին Շաքիրի, Տրապիզոնի հայերի դահիճ Ջեմալ-Ազմի-բեյի նկատմամբ, ապա դոկտոր Նազրմին հաջողվեց խույս տալ դատաստանից և նա 1923 թ. Բեռլինից վերադարձավ Թուրքիա: Այստեղ նա հարեց Մուստաֆա Բեմալին ընդդիմադիր քաղաքական խմբավորմանը և մասնակցություն ունեցավ վերը նշված դավադրությանը՝ կախաղան բարձրանալով Մ. Բեմալի ձեռքով:

Երիտասարդ թուրքերի կուսակցության ու կառավարության ներքին ու արտաքին քաղաքականության և, մասնավորապես, Թուրքիայի քրիստոնյա ազգաբնակչության նկատմամբ նրանց կիրառած ջարդարարական քաղաքականության դատապարտումը Մ. Բեմալի կողմից ուղարկության արժանի է որպես պատմական փաստ: Միա-

ժամանակ այն խիստ այժմեական է, եթե նկատի ունենանք, որ իր իսկ Բեմալի հիմնադրած Թուրքիայի պատմության ընկերությունը (Türk Tarih Kurumu) և ժամանակակից թուրք պատմագրությունը ամբողջությամբ վերցրած, չարամտորեն կեղծում են պատմական իրականությունը՝ փորձելով ժխտել կամ այս կամ այն ձևով արդարացնել թուրքահայատակ ժողովուրդների դեմ գործադրված թուրքական ազգայնամուլ քաղաքականությունը, մասնավորապես Հայկական եղեռնը:

Պետք է մատնանշել, սակայն, որ Մ. Բեմալի՝ ըստ էության իրականությանը համապատասխանող այս գնահատականը չէր բխում ազգային հարցում նրա սկզբունքային դիրքորոշումից. քանի որ ինքը՝ Մ. Բեմալը ինչպես մինչև նշված հարցադրույցը, այնպես էլ դրանից հետո կիրառում էր ազգայնամուլ քաղաքականություն ընդհանրապես Թուրքիայի այլազգի ժողովուրդների նկատմամբ:

Ռ. Գ. ՍԱՀԱԿՅԱՆ

ОБ ОДНОМ АРХИТЕКТУРНОМ ПАМЯТНИКЕ АРМЯНСКОЙ КОЛОНИИ МОСКВЫ

В немногочисленных публикациях по истории армянской колонии Москвы мы не сможем найти точные сведения о численности армянского населения, месте расселения армян, роде их занятий. Не очень много найдем материалов и о памятниках архитектуры, связанных с историей колонии. Между тем важным ориентиром для воссоздания истории возникновения, развития колонии, изучения демографических и социальных изменений в ней могут служить церковно-приходские книги, куда записывались пофамильно все члены прихода, акты крещения, бракосочетания, смерти. Обычно при церквях создавались школы, приюты, богадельни. В церковных документах фиксировались взносы прихожан, денежные и вещественные дары, рукописи, книги, церковная утварь и т. п. Зачастую именно церковь выступала в роли той инстанции, с которой вела переговоры по общим для всей колонии вопросам светская власть.

Место расположения храмовых сооружений на территории города, количество церквей, их размеры, состояние, внутреннее убранство свидетельствуют подчас о благосостоянии прихожан, об отношении власти

к колонии. Вероятно, будет правильным утверждать, что именно церковных сооружений должно было относительно больше (по сравнению со светскими) сохраниться. Посвяительства на церковь рассматривались как преследование всех прихожан всей общины колонии. Вспомним, что дореволюционное законодательство чаще оперировало понятием вероисповедания, нежели национальности (служебные формуляры и анкеты не знали термина «национальность»).

Покойный академик АН АрмССР Л. С. Хачикян в одной из своих последних публикаций утверждал, что «у армян в Москве была церковь еще с конца XIV в.»¹ Автор делает в связи с этим логически оправданный вывод: «следовательно, организованная армянская колония в Москве существовала гораздо раньше, чем было принято считать»². Как видим, фиксация наличия храма — важный довод для утверждения о существовании постоянной

¹ Լ. Ս. Խաչիկյան. Հայերը հին Մոսկվայում և Մոսկվա տանող ճանապարհների վրա. — «Բանբեր Մատենադարանի», № 13, Երևան, 1980, էջ 106 (русское резюме):

² Там же.